

տանէ Պերնադովեանց, որ ի սկիզբն միարանութեան մերոյ ընդ Հռովմայ սուրբ եկեղեցւոյն՝ ի ծնողացն յԷջմիածին առաքեցաւ, և զի զճարտասանութիւնն լաղինական ուսեալ էր ի Լէօպոլիս, թարգմանեաց քաղցր ոճով ըզԲուրաստանն աղօթից, զմասն ինչ Հին պատմութեանն Յովսեփայ հրէի, ըզԳիտնեսիոսի Արիստարգացւոյն վերստին թարգմանեաց գիրսն. նա և զգիրս Պատճառաց յՅ6 պրակս, և զՀայելին վարուց: Յետոյ բարի վարութեամբ և ուղղափառութեամբ զկեանս իւր վճարեալ՝ հանգեաւ ի Քրիստոս, մօտ յայսմ ամի:

1686. ՌՃԼԵ. Մենաս վարդապետն թօխաթցի Զլիլիֆտար օղլու կոչեցեալն, եպիսկոպոս Պուղտանու (յորմէ ես զչորս աստիճանս առ յամի Տեան 1680), ի դառնալն ընդ լերինս Մաճառաց, ի միգարգելութենէ՝ զոր ի բազում ամաց կրէրն՝ տանջեալ, վախճանի. թաղի ի գերեզմանատանն Սլախաց. ի վերայ գերեզմանի նորա բազում անգամ ի կերակամտի լոյս յերկնից իջանէ. զոր ակնատեսք և արժանահաւատ արք տեղոյն՝ պատմեցին մեզ: Սա էր ճգնագրեաց, սրբակրօն, պահեցող և աղօթասէր. մինչ զի յամենայն աւուր զութ կանոնս սաղմոսացն Կաթի՛ անխափան ասէր. ոչ երբէք մերկանայր զհանդերձն յանձնէն, այլ նորք կծկտեալ ի վերայ բարձիցն ննջէր. ի գիշերին բազմիցս անգամ ելեալ ի մահճէն՝ սաղմոսելով շրջընջէր ընդ տնիկն իւր: Որոյ ականատես բազմիցս ես ինքն եղէ:

Վարդան Յունանեան լուեալ զմեռանելն Նիկողայոսի արքեպիսկոպոսին Լէօպոլիսի, հնարիւք ելեալ ի Հայաստանեաց՝ գայ ի Լէօպոլիս, և տիրէ աթուոյն, զոր ընդ ամս 29 կառավարէ բարի վարութեամբ: Ի սոյն ամի ընդունի յԻննչնոցնցիոսէ ԺԱՆ գանուն արքեպիսկոպոսի և զեմիփորոն, և ի Ս. Ժողովոյն՝ զհաղար սկուտս, զորս ոչ էր առեալ իբրեւ եպիսկոպոս ընդ ամս տասն. ուրովք զտիպ (գրոց) գեղեցիկ կազմեաց, զոր յափշտակելով յետոյ Շվէտացն, խափանեցաւ գործ նորա:

1689. ՌՃԼԸ. Աստուածատուր վարդապետն ի Մշու Ս. Կարապետին վանաց, և Տէր Քրիստոսատուր Մնտրոզն՝ աւագերէցն Սեչովու և այլք, զուղղափառ հաւատոյ դաւանութիւն արարին առաջի Գեր. Վարդանայ Յունանեան արքեպիսկոպոսին մերոյ ի Լէօպոլիս, գոլով իմ ներկայ, փետուար ամս սոյն:

Սիւնչոգոս արարին մերայինքս ի Լէօպոլիս, հոկտ. 10, վերակացու գոլով Գեր. Տէր նունցիոսն Կանդելի և Վարդան արքեպիսկոպոսն, վասն սրբազրելոյ զՊատարագատետրն, և այլն. որոյ աղաքաւ առաքեցաւ ի Հռովմ Աստուածատուր եպիսկոպոսն Ներսէսեան:

1690. ՌՃԼԹ. Մովսէս վարդապետն և եպիսկոպոս Երեւանցի, երկիցս զմեծ նուիրակութիւնս Էջմիածնի արար. եկն ի Լէօպոլիս, յունվարի 25, և